



Međunarodni sud za krivično gonjenje
osoba odgovornih za teška kršenja
međunarodnog humanitarnog prava
počinjena na teritoriji bivše Jugoslavije od
1991. godine

Predmet br. IT-04-74-T

Datum: 29. mart 2010.

Original: FRANCUSKI

PRED PRETRESNIM VIJEĆEM III

U sastavu: sudija Jean-Claude Antonetti, predsjedavajući
sudija Árpád Prandler
sudija Stefan Trechsel
sudija Antoine Kesia-Mbe Mindua, rezervni sudija
Sekretar: g. John Hocking

Odluka od: 29. marta 2010.

TUŽILAC

protiv

**Jadranka PRLIĆA
Brune STOJIĆA
Slobodana PRALJKA
Milivoja PETKOVIĆA
Valentina ĆORIĆA
Berislava PUŠIĆA**

JAVNO

**ODLUKA PO ZAHTJEVU STOJIĆEVE ODBRANE ZA PREISPITIVANJE ILI,
ALTERNATIVNO, ZA ODOBRENJE DA ULOŽI ŽALBU NA NALOG O
PRIHVATANJU DOKAZA U VEZI SA SVJEDOČENJEM SLOBODANA
PRALJKA**

Tužilaštvo:

g. Kenneth Scott
g. Douglas Stringer

Odbrana:

g. Michael Karnavas i gđa Suzana Tomanović za Jadranka Prlića
gđa Senka Nožica i g. Karim A. A. Khan za Brunu Stojića
g. Božidar Kovačić i gđa Nika Pinter za Slobodana Praljka
gđa Vesna Alaburić i g. Nicholas Stewart za Milivoja Petkovića
gđa Dijana Tomašegović-Tomić i g. Dražen Plavec za Valentina Ćorića
g. Fahrudin Ibrišimović i g. Roger Sahota za Berislava Pušića

PRETRESNO VIJEĆE III (dalje u tekstu: Vijeće) Međunarodnog suda za krivično gonjenje osoba odgovornih za teška kršenja međunarodnog humanitarnog prava počinjena na teritoriji bivše Jugoslavije od 1991. godine (dalje u tekstu: Međunarodni sud),

RJEŠAVAJUĆI PO "Zahtjevu za preispitivanje Naloga o prihvatanju dokaza u vezi sa svjedočenjem Slobodana Praljka, donijetom 15. februara 2010. ili, alternativno, za odobrenje ulaganja žalbe", koji su branioci optuženog Brune Stojića (dalje u tekstu: Stojićeva odbrana) podnijeli 9. marta 2010. na javnoj osnovi (dalje u tekstu: Zahtjev),

IMAJUĆI U VIDU "Nalog o prihvatanju dokaza u vezi sa svjedočenjem Slobodana Praljka", donijet 15. februara 2010. na javnoj osnovi (dalje u tekstu: Nalog od 15. februara 2010.),

IMAJUĆI U VIDU "Odluku u vezi sa zahtjevima strana u postupku za preispitivanje odluka Vijeća", donijetu 26. marta 2009. na javnoj osnovi (dalje u tekstu: Odluka od 26. marta 2009.), kojom je Vijeće odredilo okvire za zahtjeve strana u postupku za preispitivanje i podsjetilo da ti zahtjevi treba da budu iznimka, a ne pravilo,¹

BUDUĆI DA tužilaštvo i ostali timovi odbrane nisu podnijeli odgovor na Zahtjev,

BUDUĆI DA Stojićeva odbrana putem Zahtjeva traži od Vijeća da preispita Nalog od 15. februara 2010., kojim je Vijeće odbilo 27 dokumenata čije je prihvatanje zatražila Stojićeva odbrana ili, alternativno, da joj odobri ulaganje žalbe,²

BUDUĆI DA, prvo, što se tiče zahtjeva za preispitivanje Naloga od 15. februara 2010., Vijeće ističe da Stojićeva odbrana nije pokazala vanredne okolnosti, niti je pokazala da je Vijeće učinilo primjetnu grešku u svom obrazloženju kad je odbilo uvrštavanje u spis dokaznih predmeta 2D 00197, 2D 00960, 2D 01541, 2D 01542, 2D 01543, 2D 01544, 2D 01545, 2D 01546, 2D 01547, 2D 01548, 2D 01549, 2D 01550, 2D 01551, 2D 01552, 2D 01553, 2D 01554, 2D 01555, 2D 01556, 2D 01557, 2D 01558, 2D 01559, 2D 01560, 2D 01561, 2D 03036, 2D 03041, 2D 03042 i 2D 03043; da odbrana Zahtjevom samo dovodi

¹ Odluka u vezi sa zahtjevima strana u postupku za preispitivanje odluka Vijeća, 26. mart 2009., str. 3.

² Zahtjev za preispitivanje Naloga o prihvatanju dokaza u vezi sa svjedočenjem Slobodana Praljka donijetog 15. februara 2010. ili, alternativno, za odobrenje ulaganja žalbe, javno, 9. mart 2010., par. 1.

u pitanje odluku koju je Vijeće u navedenom Nalogu donijelo; te da Vijeće stoga odlučuje da odbije prvi dio Zahtjeva,

BUDUĆI DA je, drugo, u vezi s dijelom Zahtjeva koji se odnosi na zahtjev da se odobri ulaganje žalbe na Nalog od 15. februara 2010., Vijeće uvjerenom da je navedeni Nalog razuman i smatra da Stojićeva odbrana nije pokazala da se Zahtjev odnosi na pitanje koje bi u znatnoj mjeri uticalo na pravično i ekspeditivno vođenje postupka ili ishod suđenja, kao ni da bi promptno rješenje Žalbenog vijeća suštinski pospješilo postupak,

ZBOG TIH RAZLOGA,

NA OSNOVU pravila 54, 73(B) i 89 Pravilnika o postupku i dokazima,

ODBIJA zahtjev za preispitivanje Naloga od 15. februara 2010., koji je podnijela Stojićeva odbrana, zbog razloga navedenih u ovoj Odluci, **I**

ODBIJA zahtjev za odobrenje ulaganja žalbe na Nalog od 15. februara 2010., koji je podnijela Stojićeva odbrana, zbog razloga navedenih u ovoj Odluci.

Sastavljeno na engleskom i na francuskom jeziku, pri čemu je mjerodavna francuska verzija.

/potpis na originalu/

Jean-Claude Antonetti,
predsjedavajući Vijeća

Dana 29. marta 2010.

U Haagu (Nizozemska)

[pečat Međunarodnog suda]